

幾何間須菩提謂釋提桓因云何拘翼能見法當所護者不而言欲護之釋提桓因言不須菩提言隨般若波羅蜜教作者是為以得護若人若非人終不得其便須菩提言若菩薩摩訶薩護空者為隨般若波羅蜜行已云何拘翼能可護響不釋提桓因言不能須菩提

提言如是拘翼菩薩摩訶薩行般若波羅蜜者其法亦如響以知是者亦復無想以無想念為行般若波羅蜜用佛威神三千大千國土諸四天王諸釋梵及諸尊天一切皆來到佛所前為佛作禮繞竟三匝各住一面諸天王王釋梵悉承佛威神念諸千佛皆字釋迦文其比丘者皆字須菩提問般若波羅蜜者皆如釋提桓因

摩訶般若波羅蜜鈔經卷第三

淡五

震越即是家法服也 盧西合天 狎習天 憚業天

法華經書

崑山縣朱塘鄉第三序君任奉

佛女弟子周氏 古娘

所伸情旨發心施淨財刊雕

摩訶般若波羅蜜鈔經版第三卷所集 功德用資

未報福慧二履乞 保身位平善福壽延長者

咸淳六年三月 日弟子周氏 古娘 謹題

摩訶般若波羅蜜鈔經卷第四 淡六

符秦天竺沙門曇摩竭共竺佛念譯

本無品第七

須菩提白佛言諸法隨次者天中天是為法語故曰無所損諸法者為無有端其法相者為無所礙如空法者為無所生諸所生不可得是為法生故無所得諸欲諸梵天子俱白佛言其寂者即佛弟子今尊者須菩提所說者悉空須菩提語諸天子言為隨怛薩阿竭教佛言云何須菩提知隨怛薩阿竭教須菩提復言如怛薩阿竭本無量是為怛薩阿竭教諸過去當來現在悉為本無佛言隨本無

者為隨怛薩阿竭教諸法亦本無如諸法本無怛薩阿竭亦本無一切本無悉為本無是為須菩提以隨怛薩阿竭教無有異隨本無者是為怛薩阿竭教不異無有異隨怛薩阿竭者為隨本無本無者是為怛薩阿竭立須菩提之所立為隨怛薩阿竭教如怛薩阿竭本無無所礙諸法亦本無無所礙是者須菩提為隨怛薩阿竭教以如怛薩阿竭本無者於法亦本無一本無等無異我者亦無作者本無亦無作者一切皆本無亦復無本無如本無本無我者亦尔故須菩提為隨怛薩阿竭教如怛薩阿竭本無不異無有異是故諸法亦本無不異無有異是為怛薩阿竭本無亦不壞亦不腐不可得是者須菩提為隨怛薩阿竭教怛薩阿竭與諸法俱本無無異亦無異本無亦不有異本無悉皆是本無如須菩提所隨者以入不可計人亦復無所入是為隨怛薩阿竭教怛薩阿竭者是為本無亦

不過去當來今現在及諸法悉皆本無故亦無過去當來今現在如是者須菩提為隨怛薩阿竭教以如來本無者即曰怛薩阿竭教怛薩阿竭者即是本無當來亦本無過去亦本無現在亦本無以隨過去本無怛薩阿竭教是為本無以隨當來本無怛薩阿竭教是為本無以隨現在本無怛薩阿竭教是為本無以如過去當來今現在本無怛薩阿竭教是為本無以如過去當來今現在本無怛薩阿竭教是為本無等無異如諸法本無是者須菩提等無異為隨怛薩阿竭教等無異是為真菩薩之本無自致阿惟三佛亦俱等本

法妙四

二

無以如本無者便得本無如來名地即為六反震動怛薩阿竭因是本無而得成是故須菩提為隨怛薩阿竭教復次須菩提為不隨色為不隨痛痒思想生死識亦不隨須陀洹道亦不隨斯陀舍阿那舍阿羅漢辟支佛是者須菩提為隨怛薩阿竭教舍利弗白佛言

本無者甚深天中天佛言如是本無實甚深
說本無時三百比丘皆得阿羅漢五百比丘
足皆得須陀洹道五百諸天及人悉遠得無
所從生法樂忍六十菩薩皆得阿羅漢道佛
語舍利弗是輩菩薩供養過去五百佛已皆
作施與護於淨戒成於忍辱所作精進定足
於禪以不得般若波羅蜜漚和拘舍羅雖是
菩薩摩訶薩有道意入空無相無願離於漚
和拘舍羅者便中道為本際作證得聲聞辟
如有大鳥舍利弗其身若四千里若八千里
若萬二千里若萬六千里若三萬里從忉利
天上欲來下至閻浮利地是鳥而無翅反從
忉利天上自投來下云何舍利弗是鳥欲中
道還上忉利天上寧能還不舍利弗言不能
天中天佛言是鳥來下至閻浮利地欲令其
身不痛寧能使人不痛舍利弗言不能天中天
其鳥來下身不得不痛若死若當悶極何故
其身甚大而反無翅佛言如是舍利弗正使

漢抄四

三

菩薩摩訶薩如恒邊沙劫作布施護於淨戒
成於忍辱所作精進定足於禪發心甚大欲
摠攬一切成阿惟三佛不得般若波羅蜜漚
和拘舍羅者便中道墮落在聲聞辟支佛道
地如是舍利弗菩薩摩訶薩於過去當來今
現在佛所為不持戒三昧若智慧若脫慧若
見慧而反作想是為不持但薩阿竭戒三昧
智慧若脫慧若見慧為不知但薩阿竭故而
曉知但聞空聲想之如所聞持欲作阿耨多
羅三耶三菩會不能得便中道在聲聞辟支
佛道地何以故如是為不得般若波羅蜜漚
和拘舍羅故舍利弗白佛言我念佛之所說
其離般若波羅蜜漚和拘舍羅者便不能自
致阿耨多羅三耶三菩若有菩薩摩訶薩欲
得阿耨多羅三耶三菩阿惟三佛者當默學
般若波羅蜜漚和拘舍羅諸欲天諸色天子
俱白佛言般若波羅蜜者甚深難曉難了泊
然者不得阿耨多羅三耶三菩佛語諸天子

言如是般若波羅蜜者甚深難曉了泊然不
得阿耨多羅三耶三菩提須菩提白佛言般若
波羅蜜者難曉了天中天如我念是慧其爲
泊然者乃能得阿耨多羅三耶三菩提何以故
亦不於是得有得阿惟三佛者故曰法空無作
阿惟三佛用法空故於法亦不能得當作阿
惟三佛者故諸法悉空於法無所有是爲法
語無作阿惟三佛故曰法空無作阿惟三佛
者亦無得阿惟三佛者其念一切諸法悉空
隨是者天中天而泊然得阿耨多羅三耶三
菩提阿惟三佛舍利弗謂須菩提如所說者
泊然得阿耨多羅三耶三菩提是爲甚難何以
故空不念我當作阿耨多羅三耶三菩提阿
惟三佛如是法者易得阿惟三佛何以故如
恒邊沙等菩薩云何轉還須菩提言當作是
知不爲泊然者難得阿耨多羅三耶三菩提
菩提謂舍利弗用色還不作阿耨多羅三耶
三菩提言不用痛痒思想生死識還不作阿

漢經四

四

耨多羅三耶三菩提言不能有異色得法還
不作阿耨多羅三耶三菩提言不能有異痛
癢思想生死識得法還不作阿耨多羅三耶
三菩提言不色本無寧還不作阿耨多羅三
耶三菩提言不痛癢思想生死識本無寧還
不作阿耨多羅三耶三菩提言不云何舍利
弗能有異色本無於法得還不作阿耨多羅
三耶三菩提言不能有異痛癢思想生死識
本無於法得還不作阿耨多羅三耶三菩提
言不云何舍利弗本無爲還不作阿耨多羅
三耶三菩提言不能有異本無於法得還不
作阿耨多羅三耶三菩提言不設於是法不
何所法還者作阿耨多羅三耶三菩提舍利弗
謂須菩提如所說法無有菩薩還者須菩提
言菩薩之人而有三德是但薩阿竭所說一
者佛行菩薩而不計三如須菩提所言分釋
文陀尼弗語舍利弗須菩提所說一道者而
當問之舍利弗謂須菩提欲問所說一道佛

衍菩薩事須菩提欲問所說一道佛衍菩薩
事須菩提言云何舍利弗於本無中能見三
道是為聲聞辟支佛佛語舍利弗言不見本
無中得二事者須菩提言云何舍利弗本無
者為一不是故曰得若菩薩摩訶薩聞本無
心不懈怠是菩薩摩訶薩會致至菩薩佛言

波多四

五

善哉善哉須菩提如所說無異悉佛威神之
所致是為菩薩摩訶薩本無無有異若菩薩
心不懈怠會至菩薩舍利弗白佛言何謂為
菩薩佛語舍利弗成阿耨多羅三耶三菩則
是須菩提白佛何謂菩薩摩訶薩欲成者云
何住佛言視一切人皆等其心不異無有害

五

意以慈心向人若身無異其心柔軟其心加
哀其心無瞋恚無所礙心無所嫉心視之若
父母無異是心菩薩摩訶薩所住當作是學
摩訶般若波羅蜜鈔經阿惟越致品第八
須菩提白佛言阿惟越致菩薩摩訶薩當何
以比觀其相行知是為阿惟越致菩薩摩訶

薩佛語須菩提於凡人及聲聞辟支佛乃至
但薩阿竭道地聞悉本無而不動搖亦無有
異於其法亦本無是為本無於不動搖是即
為度如所聞不轉亦不有疑亦不言是亦不
言非如本無者為無所失其所語不輕不說
他事但說中正他人有所作亦不觀視如是

比觀其相行具足知是即阿惟越致菩薩摩
訶薩復次須菩提阿惟越致菩薩摩訶薩者
不形沙門婆羅門面類是為沙門是為婆羅
門所見知悉諦了終不祠祀跪拜餘天不持
著香而奉上之如是比觀其相行具足知是
即阿惟越致菩薩摩訶薩復次須菩提阿惟
越致菩薩摩訶薩終不生惡處不作婦人如
是比觀其相行具足知是即阿惟越致菩薩
摩訶薩復次須菩提阿惟越致菩薩摩訶薩
終不離十善身自不殺教人不殺身自不盜
不姪嫉不兩舌不惡口不妄言不綺語不妬
嫉不貪餘不疑亂身自作正處教人守正是

為十善又於夢中自護不失十善是為阿惟
越致菩薩摩訶薩於夢中面目見十善如是
比觀其相行具足知是即阿惟越致菩薩摩
訶薩復次須菩提阿惟越致菩薩摩訶薩心
所學法持欲安隱一切人悉為說法是為法
施令一切皆得法所是即為法施於一切如

法華四

六

是比觀其相行具足知是即阿惟越致菩薩
摩訶薩復次須菩提阿惟越致菩薩摩訶薩
若王者為人之雄特所知名慧聞說深法
終不有疑不有疑不言不信所言柔軟所語
如蜜復少睡卧出入行步其心不亂徐行安
步舉足蹈地擇地而行及所被服衣中無蚤
常而淨潔無有塵垢亦無有憂身中都無八
十種虫所以者何是菩薩摩訶薩所有功德
過出世間功德上稍稍欲成滿其功德轉倍
故其身清淨心亦清淨須菩提白佛云何天
中天菩薩摩訶薩心清淨當何以知佛語須
菩提菩薩摩訶薩所作功德轉倍益多稍稍

極上其心自在而無所礙其功德悉遠心故
清淨過聲聞辟支佛道地是為菩薩摩訶薩
心清淨如是比觀其相行具足知是即阿惟
越致菩薩摩訶薩復次須菩提阿惟越致菩薩摩訶
薩不求財物若供養者無有慳貪說深法時
無有厭極正作在知其欲聞深法者持般若

波羅蜜為說之其有作餘道若世事者持般
若波羅蜜主為正之其不解者以般若波羅
蜜便為解之如是比觀其相行具足知是即
阿惟越致菩薩摩訶薩復次須菩提至者弊
魔便來致所化作八大泥犁一泥犁化有若
千百千菩薩便指示言是輩人者皆從佛受

法

鈔四

七

決已皆是阿惟越致今悉隨泥犁中皆佛之
所授決設若作阿惟越致受決已者當疾悔
之我非阿惟越致設若言余者便不入泥犁
當生天上佛語須菩提設是心不動者是阿
惟越致菩薩摩訶薩佛言我所語者無有異
設當生惡處者佛語為有異如是比觀其相

行具足知是即阿惟越致菩薩摩訶薩復次
須菩提弊魔化作沙門若用被服到菩薩摩
訶薩所言若前從我所聞從我所受今悉棄
捨皆不可用若今當自悔其過若疾悔之隨
我言者我日日自來問訊若設不用我言者
我終不復來相視若莫復說是語非佛所說

是皆他餘外道之造作今我所語是佛所說
佛言其聞是說而動轉者當知其人不從過
去佛受法來在菩薩摩訶薩舉中多有菩薩
摩訶薩未在阿惟越致其界設不動轉者念
法無有生死念無有生死信他人言辟若比
丘得羅漢者不隨他人所言眼悉見法以為

作證是為無所有終不可動是菩薩摩訶薩
亦不可動如聲聞辟支佛道地所念法眾不
復還是菩薩摩訶薩正向薩芸若不可復還
用是比觀其相行具足知是即阿惟越致菩
薩摩訶薩復次須菩提弊魔到菩薩摩訶薩
所化作異人若所求者甚為勤苦非薩芸若

行若致負是勤若為若用是勤苦為作不當
自還馱耶當復於何所更索是軀汝何不早
取羅漢用佛為求耶佛言設不動轉者弊魔
復棄捨去更為方略化作若干菩薩在其邊
立復生指語之若見是菩薩不皆供養如恒
邊沙佛已皆與衣服飯食林卧醫藥悉具足

皆於恒邊沙佛所悉行清淨戒皆從受事聞
其中慧當所施行其所求者為悉學已所任
如法今皆不能得阿耨多羅三耶三菩作是
學已作是受已作是行已不能得薩芸若何
況若欲得阿耨多羅三耶三菩佛言設是不
動者弊魔便去更化作比丘作是言語是悉
承妙四

羅漢過去卅時皆行菩薩道今悉取羅漢今
是尚如是比丘若當從何所得阿耨多羅三
耶三菩佛言是菩薩摩訶薩雖從異處聞是
言續作其行心不動轉亦無有異心覺知魔
為佛言若有學波羅蜜隨其行者不得薩芸
若當從何所得佛所語者為無有異其作是

學其作是行如般若波羅蜜者心不動搖設
是不得薩芸若佛語為有異佛所語者終不
有欺是菩薩摩訶薩當作是學用是比觀其
相行具足知是即阿惟越致菩薩摩訶薩復
次須菩提弊魔往到阿惟越致菩薩所作是
曉言薩芸若者如空是法不可得邊幅是法
不可得窮極有所可得何以故無阿惟越致
亦無得阿惟三佛者今我觀視其法都虛皆
空若之所作是為勤苦不當覺知是魔所為
云何欲得阿耨多羅三耶三菩是非佛所說
佛言是善男子善女人當如是知當作是念
為魔事其心正直而不動搖用比觀其相行
具足知是即阿惟越致菩薩摩訶薩復次須
菩提阿惟越致菩薩摩訶薩欲作第一禪第
二禪第三至于第四禪三摩越隨是四禪而
不錄禪因是為三摩越為人欲故用是比觀
其相行具足知是即阿惟越致菩薩摩訶薩
復次須菩提阿惟越致菩薩摩訶薩不求稱

漢鈔四

九

譽其名字者若稱說者不念所欲其心廣大
但念一切悉令得安行步坐起其心不亂出
入用意當而至誠不求有力不他嬖怨若欲
往來自患其欲於欲常有恐怖辟若男子過
大空澤之中若欲飲食畏於賊盜疾欲發去
自念何時當到聚落安隱之處疾得脫去阿
惟越致菩薩摩訶薩亦復如是於愛欲有往
來時自念所作是為不可是即為非皆悉不
正非我法之所作亦不念餘惡何以故欲使
一切皆得安隱佛言其作是念皆是般若波
羅蜜威神之力用是比觀其相行具足知是
即阿惟越致菩薩摩訶薩復次須菩提和夷
羅洄閱又常隨從阿惟越致菩薩摩訶薩其
除鬼神不敢附之終不失志其心不亂其身
亦不妄起身體完具無所缺減為人雄不誘
他人婦女若為作符若呪若藥都不為是亦
不自為亦不教人為是為菩薩之淨不說男
子事亦不說婦人事都無是僣用是比觀其

相行具足知是即阿惟越致菩薩摩訶薩復
次須菩提阿惟越致菩薩摩訶薩不與聚會
人從事亦不與王者亦不與賊亦不與兵亦
不與軍亦不與聚邑亦不與城郭亦不與世
俗亦不與女人亦不與男子亦不與餘道亦
不與穀亦不與須亦不與祠亦不與雜色亦
不與華亦不與香亦不與調戲亦不從悔亦
不從利亦不作若干種亦不與所有從事但
與般若波羅蜜從事不離薩芸若常念不忘
亦不與鬪從事自守如法常行中正不從非
法常稱譽賢者以為上頭常於人欲作親厚
不作怨惡但求怛薩阿竭法則欲求生異方
佛刹作是求將不生彼間用是故常得見佛
復得供養阿惟越致菩薩摩訶薩或從欲從
色從無色去其彼間來生中國若在善人家
若黠慧中生若生談語之中若在曉經書
之家不喜豫少事有生於邊地悉生大國中
終不犯法用是比觀其相行具足知是即阿

漢抄四

十

惟越致菩薩摩訶薩復次須菩提阿惟越致
菩薩摩訶薩亦不言我是阿惟越致亦不念
我是阿惟越致亦不自疑我不在阿惟越致
地辟若男子得須陀洹道於其道地終不有
疑魔事雖起即悉覺知既起者不隨其計阿
惟越致菩薩摩訶薩亦如是自於道地終不
有疑亦不懈怠魔事雖起即悉覺知即起者
不隨其計辟若男子作惡逆者其心終不有
忘至于命盡其心終不可轉阿惟越致菩薩
摩訶薩者終不可移其心忠正立於阿惟越
致菩薩心終不可動天上天下終不可轉魔
事雖起即悉覺知既起者不隨其計自於道
地終不有疑亦無聲聞辟支佛心終不念言
佛之難得其地安隱端自堅住無有勝者何
以故如是任者無有能過弊魔大愁便化作
佛往到其所言若當聚羅漢證證如來受決
得阿耨多羅三耶三菩何以故若不得比亦
不得相其如心比者用是相行具足能為菩

摩訶訶薩或尚不得阿耨多羅三耶三菩若
 當何當因得佛言設是菩薩摩訶薩心不動
 轉知是菩薩摩訶薩從過去恒薩阿竭阿羅
 呵三耶三佛所受決已設復作是念者知魔
 作佛像來是男子知即非佛是魔所為其作
 是作以應阿惟越致地如佛所說魔事無有
 法參四

十一

異其作是視其作是念知魔所為欲使我轉
 佛言設不動者是菩薩摩訶薩從過去恒薩
 阿竭阿羅呵三耶三佛所以受決住阿惟越
 致地已何以故用是比觀其相具足知是審
 阿惟越致如是比觀其相行具足知是即阿
 惟越致菩薩摩訶薩復次須菩提阿惟越致

菩薩摩訶薩用法故不貪所有亦不惜身壽
 命是菩薩摩訶薩欲悉受法為護過去當來
 今現在佛所有法其欲護過去當來今現在
 佛法以為人數是即為決是為護法用是故
 無所惜亦不惜命身未曾懈時無有厭極如
 是比觀其相行具足知是阿惟越致菩薩摩

訶薩復次須菩提阿惟越致菩薩摩訶薩恒
 薩阿竭阿羅呵三耶三佛之所說法未曾有
 疑亦不言非須菩提白佛恒薩阿竭之所說
 法亦不疑不言非為於聲聞說法亦不有疑
 亦不言非諸聲聞之所說法於其中亦不疑
 亦不言非何以故須菩提是菩薩摩訶薩為
 逮無所從生法樂忍用是比觀其相行具足
 知是阿惟越致菩薩摩訶薩

摩訶般若波羅蜜鈔經恒架調優婆夷品第九
 須菩提白佛言大哉阿惟越致菩薩摩訶薩
 從大功德自致阿惟越致乃從恒邊沙等為
 以應相今天中天說深法是菩薩摩訶薩之
 所施行佛言善哉善哉須菩提汝之所問是
 為甚深是即為空無相無願無生死無所生
 無所有無所欲是為滅涅槃者是為限須菩
 提白佛涅槃者是有限非是諸法佛語須菩提
 諸法甚深何以故色者甚深須菩提痛癢思
 想生死識亦甚深陰亦甚深如色甚深者何

謂須菩提痛癢思想生死識之甚深有甚深者非色之甚深是為色之甚深痛癢思想生死識亦亦是識為甚深須菩提白佛言大哉微妙色之稍從泥洹佛語須菩提痛癢思想生死識為稍從泥洹甚深甚深者般若波羅蜜菩薩摩訶薩思惟念是為住如般若波羅

波羅蜜

十二

蜜教為學般若波羅蜜是菩薩摩訶薩隨是思想惟念如空教應行一日甚深不可言須菩提白佛言是菩薩摩訶薩應行一日者為却幾劫之生死佛語須菩提辟若姪洸有所重愛端正女人與共期會女人不得自在云何須菩提其男子寧念不須菩提言用女人故思念甚多無有忘時佛言如是男子所念一日其心不轉是菩薩摩訶薩念般若波羅蜜應行一日却生死若干劫已其如般若波羅蜜教如中所說學思念隨行一日者是菩薩為却惡除罪已若菩薩摩訶薩離般若波羅蜜者正使布施如恒邊沙劫不如菩薩摩

訶薩隨般若波羅蜜教應行一日者其功德出彼上復次須菩提若菩薩摩訶薩壽如恒邊沙等劫持所布施與須陀洹斯陀含阿那含阿羅漢辟支佛而離般若波羅蜜若有菩薩摩訶薩隨般若波羅蜜教其功德出彼菩薩壽如恒邊沙劫布施持戒者上若有菩薩

摩訶薩念般若波羅蜜起便說法其功德復出波菩薩上復次須菩提是菩薩摩訶薩為以法施其功德復轉倍若菩薩摩訶薩作法施者是為阿耨多羅三耶三菩若有菩薩摩訶薩法施者而不守中其功德不如菩薩摩訶薩作法施而復守中若有持般若波羅蜜者不離守中是菩薩摩訶薩其功德甚多須菩提白佛一切無生死若有不動天中天此二事何功德為甚多佛語須菩提菩薩摩訶薩於福生死於功德生死所行般若波羅蜜樂於空樂於無所有樂於盡樂於無所得念是時為不離般若波羅蜜若不離般若波羅

頂身

十三

蜜者是菩薩摩訶薩得不可計阿僧祇功德
 須菩提白佛天中天之所說何謂不可計阿
 僧祇功德有何差特佛語須菩提阿僧祇者
 其數不可盡極不可計者不可量計之了不
 可得邊幅尔故為不可計阿僧祇須菩提言
 佛說不可計者色亦不可計痛癢思想生死

識亦不可計佛語須菩提如所言色亦不可
 計痛癢思想生死識亦不可計須菩提白佛
 何謂為不可計佛語須菩提如空故不可計
 無相無願故言不可計如是者不可計即為
 是空亦無異法佛言云何須菩提我言諸法
 悉空不須菩提言如是天中天所說法悉空
 不可盡佛言如是須菩提諸法悉空不可計
 無有法各各異者有所差特分別可得不可
 得者即但薩阿竭得不可盡不可計如空無
 相無願無生死無所生無所有無所起無所
 滅如泥洹隨所喜在所說是為但薩阿竭故
 須菩提白佛大哉天中天之所說法是法實

不可逮如我念佛之所語諸法亦不可逮佛
 語須菩提如是諸法不可逮悉法如空故不
 可逮須菩提言如佛說本不可逮願解不可
 逮佛言不須菩提言六波羅蜜為不可逮是
 為布施無增無減尸波羅蜜羸波羅蜜惟逮
 波羅蜜禪波羅蜜般若波羅蜜為不增不減

是即為人波羅蜜不增不減何謂於六波羅
 蜜不增是為菩薩摩訶薩自致阿耨多羅三
 耶三菩提何緣近佛坐是菩薩摩訶薩而不離
 般若波羅蜜自致阿耨多羅三耶三菩提語
 須菩提如本不可逮不增不減是菩薩摩訶
 薩為行般若波羅蜜漚和拘舍羅者不念是

淡鈔六

十四

為檀波羅蜜之所增減是為般若波羅蜜但
 為有字是為檀波羅蜜持所有而布施心念
 持是功德施作阿耨多羅三耶三菩提其施如
 阿耨多羅三耶三菩提者是菩薩摩訶薩為行
 般若波羅蜜其行般若波羅蜜是為漚和拘
 舍羅不念尸波羅蜜之增減但為有字是為

尸波羅蜜是為持戒心念以是功德施作阿
耨多羅三耶三菩提如阿耨多羅三耶三菩
是菩薩摩訶薩為行般若波羅蜜羈波羅蜜
惟逮禪波羅蜜亦亦是菩薩摩訶薩為行般
若波羅蜜溫和拘舍羅者不念般若波羅蜜
之增減但為有字為般若波羅蜜者即是智
慧發心持是功德施作阿耨多羅三耶三菩
施如阿耨多羅三耶三菩者是能為施須菩
提向佛言何等為阿耨多羅三耶三菩提佛
語須菩提本無者是為阿耨多羅三耶三菩
是為不增不減常隨是念終不離行今近阿
耨多羅三耶三菩提如是須菩提其本無者
不可遠亦不增不減思惟念是為無所失是
為波羅蜜不增不減是菩薩摩訶薩思惟念
是為離阿耨多羅三耶三菩提須菩提白佛
菩薩摩訶薩持心初發心當近阿耨多羅三
耶三菩提坐若持後心近阿耨多羅三耶三菩
坐初心後心是二者無有對後心初心亦無

波羅蜜

十五

有對何等功德而出生者佛語須菩提辭如
燈炷之然其炷用初明得然若用後明得然
須菩提言亦非初明得然亦不離初明得然
亦非後明得然亦不離後明得然佛言云何
須菩提為如是不須菩提言如是如是天中
天佛語須菩提菩薩摩訶薩亦不初心得阿
耨多羅三耶三菩亦不離初心得阿耨多羅
三耶三菩亦不後心得阿耨多羅三耶三菩
亦不離後心得阿耨多羅三耶三菩須菩提
白佛言因緣者甚深天中天菩薩摩訶薩不
用初心得阿耨多羅三耶三菩菩薩亦不離
初心得阿耨多羅三耶三菩亦不後心得阿
耨多羅三耶三菩亦不離後心得阿耨多羅
三耶三菩云何須菩提前心為滅耶後心後
生耶須菩提言不天中天云何須菩提心初
生者為滅不須菩提言其法為滅法天中天
云何須菩提其法當所滅者寧可滅不須菩
提言不天中天云何須菩提寧可住如本無

須菩提言其欲住者當如本無云何須菩提
設令住如本無將無有二須菩提言不天中
天云何須菩提本無為甚深不須菩提言甚
深天中天云何須菩提本無為有心不答言
無有天中天云何須菩提能有異本無有心
者不答言不天中天云何須菩提本無見意
不答言不天中天云何須菩提其作是行為
深行不答言其作是行天中天為無所行何
以故作是不見行為不可見行佛語須菩提
菩薩摩訶薩行般若波羅蜜者為行何等須
菩提言為行為行審諦天中天云何須菩提
其行諦者為行想不答言不天中天云何須
菩提菩薩摩訶薩為識想念不答言不天中
天云何須菩提為不識想念為念須菩提言
菩薩摩訶薩而不為是云何須菩提不作想
而得應行具足一切佛法不為聲聞須菩提
言菩薩摩訶薩漚和拘舍羅者於無想為無
所貪舍利弗問須菩提若菩薩摩訶薩於夢

波鈔四

十六

向三事三昧念脫門空空無相無願無
願三昧是為有益般若波羅蜜於晝日夜復
有益若夜夢中時亦復有益何以故佛之所
說晝日若夜夢中俱等無有異須菩提語舍
利弗若菩薩摩訶薩晝日念般若波羅蜜夜
於夢中亦復倍益念般若波羅蜜舍利弗言
云何須菩提若於夢中有所作寧有所有不
答言不一切諸法說亦如夢中之所有須菩
提語舍利弗夢中所作善覺即大喜是者為
益若所作惡而不喜者是即為滅舍利弗言
設於夢中有殺其心大喜覺已言我殺是大
快是者云何須菩提言不妄皆有因緣心不
空尔會有所緣若見若聞若念覺即知之是
為因緣故令人心為所著便有所得何謂所
得從所因緣乃受其罪不從無因緣受其罪
皆從因緣生故舍利弗言一切所作因緣皆
為恍惚皆為空耳云何天中天從何因緣而
得所生答言為從想因緣得生舍利弗言菩

薩摩訶薩於夢中布施持是施與作阿耨多
羅三耶三菩為有施與無須菩提報舍利弗
言大弥勒菩薩摩訶薩今近在是旦暮當補
佛處所問者可問之即能發遣舍利弗白弥
勒菩薩今我所問須菩提言大弥勒菩薩即
能解之弥勒菩薩語舍利弗如我字為弥勒

法華四

十七

當所解者當以色解若當以痛癢思想生死
識解色者即空當以無所有解之若痛癢思
想生死識空解亦不見去當所解者何所得
解亦不見法所解當得阿耨多羅三耶三菩
舍利弗白弥勒菩薩所說者為已得證弥勒
菩薩語舍利弗所說法不言得證舍利弗便

作是念弥勒菩薩所入慧為甚深所以者何
般若波羅蜜以來久遠佛言云何舍利弗若
能見彼作羅漢者不舍利弗言不天中天佛
語舍利弗菩薩摩訶薩行般若波羅蜜亦如
是不念我從是法受決不從是法得決若於
是法當得阿耨多羅三耶三菩自致阿惟三

佛是菩薩摩訶薩其作是作為行般若波羅
蜜不恐不得阿惟三佛隨是教者為行般若
波羅蜜是菩薩摩訶薩為以無所畏何以故
若至大劇難處虎狼之中不畏不怖心念言
設有啖我者當為布施是為具足行檀波羅
蜜近阿耨多羅三耶三菩願我作佛令其刹

中無禽獸之道若菩薩摩訶薩至大劇賊之
中亦不畏怖何以故設令於其中死心念言
我身會當棄捐設殺我者我不瞋恚是為具
足忍辱行羣波羅蜜當近阿耨多羅三耶三
菩願我作佛時令其刹中人無有賊盜若菩
薩摩訶薩至大無水漿之處亦不畏怖心念
言一切人念悉無德使天水漿願我作佛時
令其刹中常有八味之水使一切人悉得用
之用世間人故當為精進若菩薩摩訶薩至
穀貴之處亦不畏怖心念言我當堅其精進
自致得阿耨多羅三耶三菩成阿惟三佛時
令我刹中無有惡皆使一切人在所願餘食

悉令在前如切利天上所有是善男子用一切人故精進自致阿耨多羅三耶三菩成阿惟三佛若菩薩摩訶薩在惡賊時亦不畏怖何以故不見法當所痛者用是故無所畏假使我身遭是病死心不有異必當精進願我作阿耨多羅三耶三菩成至佛時令其刹中

沙四

六

一切人皆無惡穢者死亡者是菩薩摩訶薩之所言如佛語而無異復次舍利弗是菩薩摩訶薩不久當成阿耨多羅三耶三菩自致阿惟三佛自於其法亦不恐怖何以故從本際已來發心呼言不久其本際者為若干為久遠為甚大久心如一轉頃是為本際是菩薩摩訶薩今近阿耨多羅三耶三菩成阿惟

三佛故曰聞是而不恐怖尔時優婆夷從坐起前為佛作礼長跪白佛我聞是語不恐怖必後欲為一切人說法令不恐怖應時佛笑口中五色光出笑竟訖此優婆夷者即以金華持散佛上用佛威神其華在佛上亦不

隨地阿難從坐起整衣服前為佛作礼却長跪問佛但薩阿竭所笑不忘必有所說佛語阿難是恒架調優婆夷者却後當來世其劫名為星宿當於是劫中作佛号字曰金華佛佛語阿難是優婆夷者後當棄女人形體更受男子身便生阿闍佛國

摩訶般若波羅蜜鈔經卷第四

淡六

慳悒下反怨恚上反勞懈息杜居反劫奪下反活無翅下音泊然上音蚤暗邊幅下音天非閻又上是似騫下反恒架下其也正反作如物天女是也般若延聖院比丘行廉延聖院比丘清滿書

施財刊雕

大乘摩訶般若波羅蜜鈔經板第四卷